



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კურთხევანი

კურთხევანი, ქართული ლიტურგიკული კრებული, რომელშიც თავმოყრილია სხვადასხვა ლოცვათა ან კურთხევათა მეშვეობით განწმენდის წესები. კ-ის მიხედვით სრულდება ნათლობა, საეკლ. ქორწინება, მიცვალებულის წესის აგება და სხვ. რიტუალები. მისი უძველესი რედაქცია ჩვენამდე X ს. ნუსხითაა მოღწეული (ხელნაწერთა ეროვნ. ცენტრი, sin-66). X ს. ახ. შემოკლებული რედაქციის შექმნას ექვთიმე მთაწმიდელის სახელს უკავშირებენ. XI ს-ში გიორგი მთაწმიდელმა, იმდროინდელი ლიტურგიკულ-საღვთისმსახურო მოთხოვნების შესაბამისად, თარგმნა კ-ის ახალი, უფრო ვრცელი რედაქცია (ხელნაწერთა ეროვნ. ცენტრი, sin-73), რომაც რუის-ურბნისის საეკლ. კრების (1103) გადაწყვეტილებით კანონიკური უფლება მიიღო.

ლიტ.: დიდნი კურთხევანნი II, ე. ჭელიძის გამოც.; თბ., 2002; დიდი კურთხევანი II, ე. ჭელიძის გამოც., თბ., 2006 [ნუსხურად]. კ ე კ ე ლ ი ძ ე კ., ქართული ლიტერატურის ისტორია, ტ. 1, თბ., 1960; კ ო ტ ლ ა მ ა ზ ა შ ვ ი ლ ი ე., დიდი სინური კურთხევანის რედაქციული თავისებურებანი, თბ., 2002; К е к е ლ ი ძ ე К., Иерусалимский канонарь VII века (грузинская версия), Тфл., 1912.

დ. ჯღამაია
